

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA HAMSINI NA TISA

27 JUNI, 2018



ORODHA YA SHUGHULI ZA LEO

MKUTANO WA KUMI NA MOJA


KIKAO CHA HAMSINI NA TISA – TAREHE 27 JUNI, 2018

I. DUA:

II. HATI ZA KUWASILISHA MEZANI:

WAZIRI WA FEDHA NA MIPANGO:

Maelezo ya Waziri wa Fedha na Mipango kuhusu Muswada wa Sheria ya Fedha wa Mwaka 2018 (The Finance Bill, 2018).



MWENYEKITI WA KAMATI YA BAJETI:

Maoni ya Kamati ya Bajeti kuhusu Muswada wa Sheria ya Fedha wa Mwaka 2018 (The Finance Bill, 2018).

III. MASWALI:

OFISI YA RAIS (TAMISEMI):

496. MHESHIMIWA ALLAN JOSEPH KIULA (IRAMBA MASHARIKI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Mkalama ina Vituo vya Afya vitatu ambavyo vinakabiliwa na changamoto za uhaba wa Watumishi, vipimo, majengo huku idadi ya Wakazi wanaohitaji huduma ikiongezeka:-

- (a) Je, ni lini Serikali itaongeza idadi ya Watumishi wa kada zote za kitaalam katika Vituo hivyo;
- (b) Je, ni lini Serikali itazipandisha hadhi Zahanati kubwa ziwe Vituo vya Afya ili kuhudumia Wananchi wengi zaidi kutoka Iguguno, Ilanda Msiu na Mkiko.

497. MHESHIMIWA JACQUELINE NGONYANI MSONGOZI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mhe. Rais wa Awamu ya Nne alitoa ahadi ya kujenga *theater* pamoja na vifaa

vyake vya upasuaji katika Wilaya ya Namtumbo Mji Mdogo wa Lusewa. Ahadi hii ni ya muda mrefu na Wananchi wamekuwa wakiteseka kutokana na ukosefu wa huduma hiyo jambo ambalo limesababisha vifo hasa kwa Akina Mama Wajawazito na Watoto:-

(a) Je, ni lini Serikali itakamilisha ujenzi huo;

(b) Je, Serikali ina mpango gani wa kujenga nyumba ya Daktari katika Kituo cha Afya cha Lusewa.

498. MHESHIMIWA AUGUSTINO MANYANDA MASELE (MBOGWE):

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Wilaya ya Mbogwe iliweka kiasi cha Shilingi bilioni 1.5 katika bajeti yake ya Mwaka wa Fedha 2017/18 kwa ajili ya kuanza kujenga Hospitali ya Wilaya, hata hivyo kutokana na ukomo wa bajeti uliowekwa fedha hiyo iliondolewa katika bajeti:-

Je, Serikali itakuwa tayari kutenga fungu maalum kwa ajili ya ujenzi wa Hospitali ya Wilaya Mbogwe.

**499. MHESHIMIWA COSATO DAVID CHUMI
(MAFINGA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Tunapoelekea kujenga uchumi wa Viwanda ni wazi kuwa fursa za kibiashara zinazojitokeza nyingi zitafanywa na Wajasiriamali wadogo; hata hivyo muundo wa kazi wa kada ya Maafisa Biashara katika Halmashauri zetu umefichwa ndani ya Idara ya Fedha, pamoja na kazi na uzito wa majukumu ya Biashara sio Idara wala Kitengo:-

Je, ni lini Wizara kwa kushirikiana na Utumishi itaifanya kada hiyo kutambulika kwa uzito wake ili wanufaike na uwepo wa Maafisa Biashara kuliko ilivyo hivi sasa.



WIZARA YA UJENZI, UCHUKUZI NA MAWASILIANO:

**500. MHESHIMIWA ASHA ABDULLAH JUMA
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Stesheni Kuu, Vituo vidogo vidogo na maeneo yanayozunguka Stesheni za reli ya kati vimechakaa sana:-

Je, Serikali haioni haja ya kukarabati majengo ya Stesheni za reli ya kati na kuweka miundombinu ya maji safi na maji taka katika majengo hayo na maeneo yanayozunguka Stesheni hizo.

WIZARA YA HABARI, UTAMADUNI, SANAA NA MICHEZO:

501. MHESHIMIWA VEDASTO EDGAR NGOMBALE (KILWA KASKAZINI):

Atamuuliza Mheshimiwa Waziri wa Habari, Utamaduni, Sanaa na Michezo:- Kupata habari ni moja ya haki za kiraia, TBC ni chombo pekee cha habari kwa sasa kinachowafikia Wananchi wengi hususan wale wanaoishi vijijini lakini kwa muda mrefu sasa chombo hicho hakisikiki vizuri katika maeneo mengi ya Vijiji vya Jimbo la Kilwa Kaskazini na Wilaya ya Kilwa kwa ujumla:-

Je, ni tatizo gani linalosababisha chombo hicho kisisikike vizuri katika maeneo mengi ya vijijini.

**WIZARA YA AFYA, MAENDELEO YA JAMII,
JINSIA, WAZEE NA WATOTO:**

**502. MHESHIMIWA CECILIA DANIEL PARESSO
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Serikali ilihusika kikamilifu katika uanzishwaji wa kituo kijulikanacho kama *International Great Lakes Women, Research Center* ambapo kwa Tanzania kituo hicho kiliazimiwa kiwe Tengeru Arusha:-

- (a) Je, mpaka sasa utekelezaji wake umefikia wapi;
- (b) Je, ni mafanikio gani yamepatikana tangu kituo hicho kianzishwe.

WIZARA YA MALIASILI NA UTALII:

**503. MHESHIMIWA MARYAM SALUM MSABAHA
(VITI MAALUM):**

Atamuuliza Mheshimiwa Waziri wa Maliasili na Utalii:- Sekta ya Utalii imekuwa ikitoa ajira nyingi kwa Vijana wetu wa Visiwani na Tanzania Bara; kutetereka kwa Sekta hii kumesababisha

kupungua kwa ajira kwa kiasi kikubwa na Vijana kurudi mitaani:-

Je, Serikali ina mpango gani wa kuimarisha na kuboresha Sekta hii ili ajira zipatikane kwa wingi.

WIZARA YA MAJI NA UMWAGILIAJI:

504. MHESHIMIWA QAMBALO WILLY QULWI (KARATU):

Atamuuliza Mheshimiwa Waziri wa Maji na Umwagiliaji:- Eneo la Mangola katika Bonde la Lyasi Wilayani Karatu ni maarufu sana kwa kilimo cha umwagiliaji kwa kutumia chemichemi za Qangded. Chemichemi hizo ziko katika hatari ya kutoweka kutokana na kuingiliwa na shughuli za kibinadamu:-

Je, ni lini Serikali itaweka mpango madhubuti wa uhifadhi wa chemichemi hizo ikiwa ni pamoja na kuweka mipaka kwa kutumia Sheria zilizopo.

IV. MISWADA YA SHERIA YA SERIKALI:

*(Kusomwa Mara ya Pili, Kamati ya Bunge Zima na
Kusomwa Mara ya Tatu)*

Muswada ya Sheria ya Fedha wa Mwaka 2018 (The
Finance Bill, 2018).

**DODOMA
27 JUNI, 2018**



**S. KAGAIGAI
KATIBU WA BUNGE**